

2019

KNATTSPYRNUDEILD VALS ÁRSREIKNINGUR 2019



VALUR@VALUR.IS

HLÍÐARENDI



414-8000

YOUR NAME

Skýrsla knattspyrnudeildar Vals 2019

Skipan stjórnar

E. Börkur Edvardsson formaður
Jón Höskuldsson varaformaður
Bragi G. Bragason ritari
Rósa María Sigbjörnsdóttir meðstjórnandi
Jón Gretar Jónsson meðstjórnandi
Davor Purusic varamaður
Þorsteinn Guðbjörnsson varamaður

Starf stjórnar

Starf stjórnar var að venju yfirgripsmikið og erilsamt enda rekstur knattspyrnuliða í efstu deild verkefni sem hefur og er að stækka mikið. Kröfurnar aukast, félagið þarf að gangast undir viðamikið leyfiskerfi, miklar kröfur eru uppi um aðbúnað, fjármál í stöðugri skoðun, flókið regluverk í kringum evrópukeppni, aðstaða til knattspyrnuíðkunar ekki ásættanleg á Hlíðarenda, heimaleikir stækka enda stærstu einstöku viðburður á vegum Vals ár hvert og starf knattspyrnudeildar það langstærsta innan félagsins.

Meistaraflokkur kvenna – Íslandsmeistari 2019

Meistaraflokkur kvenna vann A-riðil Reykjavíkurmótsins með fádæma yfirburðum og markatölunni 34-3. Liðið vann fjóra fyrstu leikina en gerði 2-2 jafntefli við KR í lokaleiknum eftir að hafa leitt 2-0 í hálfleik. Fékk Valur 13 stig eftir fimm umferðir og varð Reykjavíkormeistari 2019. Margrét Lára Viðarsdóttir var markadrottning mótsins með 9 mörk. Þá sigraði Valur örugglega í A-riðli Lengjubikarsins, vann allar fimm leikina með yfirburðum. Markatalan var 20-5. Í undanúrslitunum vann liðið Stjörnuna 3-0, en tapaði úrslitaleiknum fyrir Breiðablik 3-1.

Íslandsmót kvenna hófst með góðum 5-2 sigri á Þór/KA 3. maí. Mótið einkenndist síðan af baráttu við Breiðablik allt til enda þar sem Valur leiddi keppnina lengst af og endaði sem Íslandsmeistari með 3-2 sigri á Keflavík í lokaumferðinni sem var æsispennandi. Liðið þurfti sigur í þeim leik og það tókst. Stærsti sigur liðsins kom á móti HK/Víkingi á Origo-vellinum 9. ágúst þegar liðið vann 7-0. Liðið vann 16 leiki og gerði 2 jafntefli, í bæði skiptin á móti Breiðablik. Liðið vann mið 50 stig, tveimur fleira en Breiðablik og markatölunni 65-12.

Hlín Eiríksdóttir og Elín Metta Jensen skoruðu báðar 16 mörk og Margrét Lára Viðarsdóttir 15 mörk. Sannanlega glæsilegur árangur góðrar liðsheildar.

Þátttaka Vals í Mjólkurbikarnum í ár varð því miður ekki eins og lagt var upp með. Liðið spilaði tvo leiki, báða á útivöllum. Valur vann ÍBV 1-7, en tapaði naumlega fyrir Þór/KA 3-2.

Aðalþjálfari liðsins var sem fyrr Pétur Pétursson. Aðstoðarmaður hans var Eiður Benedikt Eiríksson. Markmannspjálfi var Rajko Stanisic og sjúkráþjálfari Ásta Árnadóttir. Liðstjórar voru María Hjaltalín og Thelma Guðrún Jónsdóttir.

Árangur meistaraflokks kvenna var frábær á tímabilinu. Liðið hefur á að skipa öflugum leikmönnum, bæði leikmönnum sem komið hafa til félagsins á umliðnum árum og yngri leikmönnum sem koma úr góðu yngri flokka starfi félagsins. Á árinu voru gerðir leikmannasamningar við yngri uppalda leikmenn. Þær eru Ólöf Sigríður Kristinsdóttir, Hildur Búadóttir, Katrín Rut Kvaran, Auður Sveinbjörnsdóttir Scheving, Anna Hedda Björnsdóttir Haaken og Emma Steinsen Jónsdóttir. Þær hafa fengið tækifæri með meistaraflokki Vals í mótum og á æfingum.

Meistaraflokkur karla – vonbrigði 2019

Þjálfarateymi meistaraflokks karla var skipað þeim Ólafi Davíð Jóhannessyni aðalþjálfara, Sigurbirni Erni Hreiðarssyni og Kristófer Sigurgeirssyni aðstoðarþjálfurum, Rajko Stanisic markmannspjálfi, Jóhanni Emil Elíasyni styrktarþjálfara, Einari Óla Þorvarðarsyni sjúkráþjálfara, Halldóri Eyþórssyni og Fannari Gauta Dagbjartsyni liðsstjórum.

Óhætt er að segja að væntingar stjórnar, stuðningsmanna og knattspyrnusamfélagsins fyrir keppnistímabilið 2019 hafi verið sanngjarnar og miklar fyrir árangri meistaraflokks karla Vals því miklu var tjaldað til í leikmannamálum, þjálfarateymi og allri umgjörð, niðurstaðan var hinsvegar gríðarleg vonbrigði sem má ekki endurtaka sig og félagið verður að draga lærdóm af.

Eftirtaldir leikmenn gengu til liðs við félagið, Emil Sigvald Lyng, Lasse Petry, Gary Martin Martin, Kaj Leó Bartalstovu, Garðar Bergmann Gunnlaugsson, Hannes Halldórsson og Patrick Pedersen snéri aftur um mitt sumar, allt eru þetta frábærir knattspyrnumenn sem miklar vonir voru bundar við en meiðsli og óvæntar „óvelkomnar“ upptakomur urðu þess valdandi að einhverjir af okkar leikmönnum náðu ekki að blómstra þetta sumarið og árangurinn varð eftir því.

Viðvörunarbjöllur byrjuðu strax að hringja á undirbúningstímabilinu sem varð okkur erfitt og brösótt, liðinu gekk illa en komst þó í úrslitaleik Reykjavíkurmótsins sem tapaðist 5-3 á móti KR. Ekki byrjaði Lengjubíkarinn vel en fyrsti leikurinn var á móti KA fyrir norðan og tapaðist 4-0. Leikurinn meistari meistaranna tapaðist í vítaspyrnukeppni á móti Stjörnunni eftir að leik lauk með markalausum jafntefli á Origo vellinu.

Fyrsti leikur á Íslandsmótsins var á heimavelli á móti Víkingum sem endaði 3-3 þar sem okkur tókst að jafna í þrígang, næsti leikur var bikarleikur á móti FH sem tapaðist 1-2 og ljóst að sumarið yrði okkur erfitt miðað við frammistöðuna úr þessum tveimur leikjum sem varð raunin og endaði liðið í 6 sæti sem var langt frá þeim væntingum sem til liðsins og þjálfara voru gerðar.

Evrópuleikir þetta tímabilið ollu vonbrigðum og vorum við töluvert á eftir þeim andstæðingum sem við mættum og áttum lítin sem engin tækifæri á að komast lengra áfram í keppninni.

2.flokkur karla og kvenna

2.flokkur Vals karla tók þátt í þremur mótum á tímabilinu undir stjórn þjálfaranna Matthíasar Guðmundssonar og Jóhanns Hilmars Hreiðarssonar. Flokkurinn tefldi fram tveimur liðum á þessu keppnistímabili. Fyrsta mótið var Reykjavíkumótið þar sem strákarnir stóðu sig heilt yfir vel.

Svo tók við Íslandsmótið í B-deild og bikarkeppnin.

B-deildin var mjög sterk á þessu tímabili og var jöfn og krefjandi. Íslandsmótið spilaðist þannig að tvö lið stungu hreinlega af í tíu liða deild önnur lið voru öll í fallbaráttu nást fram að síðasta leik. Strákunum tókst að tryggja sitt sæti í deildinni þegar tvær umferðir voru eftir og enduðu í 5 sæti, sem er ásættanlegur árangur þegar tekið er inn í myndina hversu margir strákar á yngsta ári eru í flokknum.


2.flokkur Vals féll út í annarri umferð Bikarkeppninnar á móti sterku liði Breiðabliks eftir að hafa slegið út ÍBV í Vestmannaeyjum í fyrstu umferð. Strákarnir stóðu sig mjög vel á þessu tímabili, sýndu mikinn karakter og tóku miklum framförum sem lið og einstaklingar.

Stjórn, þjálfarar og leikmenn 2. flokks Vals vilja koma á framfæri sérstökum þökkum til Jónasar Guðmundssonar.

2.fl. kvenna – Bikarmeistarar 2019

Þjálfara flokksins voru Ranveig Karlsen og Kristján Arnar Ingason. Árangur liðsins í Íslandsmótinu var undir væntingum, en liðið endaði í fjórða sæti með 15 stig og markatöluna 36-31. Vann liðið fimm leiki en tapaði sjö leikjum. Betur gekk í bikarkeppninni þar sem liðið vann alla leiki sína með yfirburðum og endaði sem

Stefna markaðsráðs knattspyrnudeildar Vals 2020 er að auka enn frekar áherslur á samfélagsmiðlana, stækka hóp þeirra sjálfboðaliða sem vinna í kringum þá og vera enn meira áberandi en áður.



Metnaðarfullt og mikið starf framundan hjá knattspyrnudeild

Lærdóm verður að draga af liðnu tímabili hjá meistaraflokki karla og ljóst að við verðum að mæta betur undirbúnir, skipulagaðri, betur þjálfaðir, æfa mun meira og skilvirkara, taka skrefið framávið og leggja meira á okkur.

Stjórn knattspyrnudeildar réðst nú í haust í mikla rýnisvinnu og skipaði starfshóp sem, E.Börkur Edvardsson formaður, Jón Gretar Jónsson og Þorgrímur Þráinsson fyrrum fyrirliðar félagsins veittu forstöðu, markmiðið var að fara vel yfir afreksstarfið, þjálfun, utanumhald, mælingar, gæði og magn æfinga, og fleira sem snýr að meistaraflokkum Vals í knattspyrnu.

Sem afreksfélag á knattspyrnudeild Vals að standa fyrir fagmennsku á öllum sviðum; Vera með vel menntaða þjálfara, leikmenn í góðu líkamlegu formi sem mælt verður, sérhæfðar æfingar miðað við líkamsástand, getu og stöðu leikmanna á vellinum og heiðarlega framkomu innan vallar sem utan.

Framúrskarandi árangur veltur á sterkri liðsheild sem samanstendur m.a af sameiginlegum markmiðum hópsins, skýr hlutverk hvers og eins, góð samskipti,

uppbyggilegt hugarfar, ástríðu og samkennd, vinnusemi og sterkum persónuleikum.

Lykillinn að langtímaárangri fyrir Val er að þróa innan félagsins umhverfi þar sem leikmenn ná að blómstra, sterkir persónuleikar verða til, leiðtogar og fyrirmyndir, sem leiða aðra til velgengni.

Aðalþjálfarar meistaraflokks karla og kvenna eiga að vera í fullu starfi hjá félaginu en allir þjálfarar flokksins bera ábyrgð á mælingum, séræfingum og því sem lýtur að því að bæta leikmenn og liðsheildina á öllum sviðum.

Aðstoðarþjálfarar eiga að vera „sérfræðingar“ í leikgreiningu, varnarleik- og sóknarleik og þjálfun markvarða.

Sjúkráþjálfari á að vinna með meistaraflokki, bæði fyrirbyggjandi og í endurheimt og leikmenn hafa greiðan aðgang að bæklunarlækni.

Leikmönnum stendur til boða að hitta fagaðila á sviði markmiðasetningar eins oft og þeim hentar þar sem farið er yfir einstaklingsmarkmið, markmið hópsins, metnað innan vallar sem utan og hvað það er að vera fyrirmynd.

Menntaður styrktarþjálfari á að vinna með þjálfurum hvað varðar líkamlegt atgervi leikmanna.

Aðbúnaður þjálfara og leikmanna að Hlíðarenda; tækjabúnaður, endurmenntun og fagmennska á að vera fyrsta flokks. Vinnuherbergi, búningsklefinn, heitir og kaldir pottar, hlaupamælar, boltar, áhöld, heimsókn til erlendra liða, þjálfaragráður, reglulegir samráðsfundir, allt þarf að vera fyrsta flokks og í anda afreksfélags.

Yfirþjálfari deildarinnar mætir á tvær, þrjár æfingar hjá meistaraflokki í hverri viku og fylgist sérstaklega með yngri leikmönnum og vinnur í styrkleikum þeirra og veikleikum í samvinnu við þjálfara meistaraflokks.

Leikmenn í 2. og 3. flokki fá reglulega tækifæri til að æfa með meistaraflokki og eru valdir af þjálfurum meistaraflokks, 2. flokks og yfirþjálfurum.

Stjón knattspyrnudeildar skipar 3ja manna „fagrúð“ í kringum meistaraflokkana sem stjórna og þjálfarar geta ráðfært sig við. Fagrúðið fylgist með því sem tengist flokknum, skiptir með sér verkum, mætir reglulega á æfingar, er til staðar fyrir flokkinn (leikmenn), horfir á leiki og hjálpar til við að halda uppi 100% fagmennsku.

Reglulegir fyrirlestrar um markmiðasetningu, næringarfræði, mikilvægi svefns, hvíldar og fleira eru í boði fyrir leikmenn.

Í lok hvers keppnistímabils fá leikmenn sérsniðna „æfingatöflu“ með því sem þeim ber að gera þangað til hópurnir kemur saman aftur.

Í upphafi hvers undirbúningstímabils er fundur með leikmönnum þar sem þjálfari segir frá því hvernig hann mun haga undirbúningstímabilinu. Þjálfararnir kynna séræfingar, styrktarþjálfari fer yfir sitt hlutverk sem og sjúkrapþjálfari og fagráðið er með innlegg um markmiðasetningu, næringarfræði, hvíld/svefn og ráðleggingar varðandi samfélagsmiðla. Stjórn knattspyrnudeildar kynnir sín störf.

Leikmenn sinna því sem getið er um í samningi varðandi þátttöku í starfi yngri flokkanna og sjálfboðaliðastarfi.

Þegar samið er við leikmenn hefur Valur ávallt forgang. Leikmenn mæta minnst 30 mínútum fyrir æfingu. Þjálfarar stjórna því hvort æft sé tvisvar á dag og leikmönnum ber skylda til að mæta á séræfingar. Áður en Valur gerir samning við leikmenn gangast þeir undir læknisskoðun og bakgrunnur þeirra er kannaður til hlítar.

Þjálfarar, stjórn knattspyrnudeildar og fagráðið funda mánaðarlega.

Öllum ber að kynna sér gildi Vals; ÁBYRGÐ, METNAÐUR, HEILBRIGÐI, LÍFSGLEÐI, því leikmenn og þjálfarar, og þeir sem með meistaraflokknum, eru ávallt fulltrúar félagsins, í viðtölum og hvar sem þeir bera niður fæti. Við látum aldrei kappið bera fegurðina ofurliði.

Þakklæti

Knattspyrnudeild Vals þakkar sérstaklega þeim fjölmörgu samstarfs og bakhjörnum deildarinnar fyrir knattspyrnusumarið 2019.

Sérstakt þakklæti fá þeir félagar Grímur Sæmundsen og Helgi Magnússon fyrir þeirra óþrjótandi starf, styrk og stuðning við knattspyrnufólk Vals.

Frábærir samstarfsaðilar félagsins 2019 fá mikið þakklæti fyrir sumarið og það verður frábært að vinna með ykkur inní framtíðina og að því metnaðarfulla verkefni að vinna glæsta sigra á komandi árum.

Efnisyfirlit

Skýrsla og áritun stjórnar og framkvæmdastjóra	3
Áritun óháðs endurskoðanda	4
Rekstrarreikningur	5
Efnahagsreikningur	6
Sjóðstreymisyfirlit	7
Skýringar	8

Skýrsla og áritun stjórnar og framkvæmdastjóra

Ársreikningur Knattspyrnudeildar Vals fyrir 2019 er gerður í samræmi við lög um ársreikninga. Aðalstarfsemi Knattspyrnufélagsins Vals er íþróttastarfsemi.

Ársreikningurinn byggir á bókhaldi Knattspyrnufélagsins Vals en knattspyrnudeildin er rekin samhliða öðrum deildum félagsins undir Knattspyrnufélaginu Val og hefur því ekki aðgreindan efnahagsreikning. Ársreikningurinn byggir því fyrst og fremst á deildauppgjöri félagsins en haldið er sérstaklega utan um rekstur knattspyrnudeildarinnar.

Samkvæmt rekstrarreikningi nam hagnaður Knattspyrnudeildar Vals á árinu 2019 að fjárhæð 15,9 millj. kr. Samkvæmt efnahagsreikningi nema eignir knattspyrnudeildar 119,6 millj. kr. Bókfært eigið fé knattspyrnudeildar í árslok er 115,7 millj. kr. Stjórn knattspyrnudeildar vísar í ársreikninginn um breytingar á eigin fé deildarinnar og ráðstöfun hagnaðar.

Yfirlýsing stjórnar og framkvæmdarstjóra

Það er álit stjórnar og framkvæmdastjóra Knattspyrnudeildar Vals að í ársreikningi þessum komi fram allar upplýsingar sem nauðsynlegar eru til að glöggva sig á stöðu deildarinnar í árslok, rekstrarárangri ársins og fjárhagslegri þróun á árinu 2019. Stjórn og framkvæmdastjóri Knattspyrnudeildar Vals staðfesta hér með ársreikning deildarinnar fyrir árið 2019 með undirritun sinni.

Reykjavík, 20. febrúar 2020.

Stjórn

E. Börkur Edvardsson, formaður
Jón Höskuldsson, varaformaður
Bragi G. Bragason, ritari
Jón Grétar Jónsson, meðstjórnandi
Rósa María Sigurbjörnsdóttir, meðstjórnandi

stjórnarformaður

E. Bökur Edvardsson

nafn

nafn

Jón Höskuldsson

Bragi G. Bragason

nafn

nafn

Jón Grétar Jónsson

Rósa María Sigurbjörnsdóttir

framkvæmdastjóri

Sigurður Kristinn Pálsson

nafn



Knattspyrnufélagið
VALUR
Kt. 670269-2569

Áritun óháðs endurskoðanda

Til stjórnar Knattspyrnudeildar Vals.

Áritun um endurskoðun ársreikningsins

Álit

Við höfum endurskoðað ársreikning Knattspyrnudeildar Vals. (deildin) fyrir árið 2019. Ársreikningurinn hefur að geyma rekstrarreikning, efnahagsreikning, sjóðstreymisýfirlit, upplýsingar um mikilvægar reikningskilaaðferðir og aðrar skýringar.

Það er álit okkar að ársreikningurinn gefi glögga mynd af fjárhagsstöðu deildarinnar 31. desember 2019 og afkomu hennar og breytingu á handbæru fé á árinu 2019, í samræmi við lög um ársreikninga.

Grundvöllur álits

Við endurskoðuðum í samræmi við alþjóðlega endurskoðunarstaðla. Ábyrgð okkar samkvæmt stöðlunum er lýst frekar í kaflanum Ábyrgð endurskoðanda á endurskoðun ársreikningsins í árituninni. Við erum óháð deildinni í samræmi við siðareglur fyrir endurskoðendur á Íslandi og höfum uppfyllt aðrar siðferðisskyldur okkar í samræmi við þær reglur. Við teljum að við höfum aflað nægilegra og viðeigandi endurskoðunargagna til að byggja álit okkar á.

Ábyrgð stjórnar og framkvæmdastjóra á ársreikningnum

Stjórn og framkvæmdastjóri eru ábyrg fyrir gerð og glöggri framsetningu ársreikningsins í samræmi við lög um ársreikninga og fyrir því innra eftirliti sem þau telja nauðsynlegt til að gera þeim kleift að setja fram ársreikning sem er án verulegra annmarka, hvort sem er vegna sviksemi eða mistaka.

Við gerð ársreikningsins ber stjórn og framkvæmdastjóra að leggja mat á rekstarhæfi félagsins og upplýsa, eftir því sem við á, um þætti er varða rekstrarhæfi og miða grundvöll reikningssskilanna við áframhaldandi rekstrarhæfi, nema þau ætli annað hvort að leysa félagið upp eða hætta starfsemi þess, eða hafa engan annan raunhæfan kost en að gera það.

Ábyrgð endurskoðanda á endurskoðun ársreikningsins

Markmið okkar eru að öðlast hæfilega vissu um hvort ársreikningurinn í heild sé án verulegra annmarka, hvort sem er vegna sviksemi eða mistaka, og að gefa út áritun endurskoðanda sem inniheldur álit okkar. Í hæfilegri vissu felst mikil víska en ekki trygging fyrir því að endurskoðun í samræmi við alþjóðlega endurskoðunarstaðla muni alltaf leiða í ljós verulega annmarka ef þeir eru fyrir hendi. Annmarkar geta komið fram vegna sviksemi eða mistaka og eru taldir verulegir ef þeir einir og sér eða samanlagt gætu haft áhrif á efnahagslegar ákvarðanir sem notendur ársreikningsins taka á grundvelli hans.

Við endurskoðun í samræmi við alþjóðlega endurskoðunarstaðla beitum við ávallt faglegri dómgreind og viðhöfum faglega gagnrýni. Að auki:

- Greinum við og metum hættu á verulegri skekkju í ársreikningnum, hvort sem er vegna sviksemi eða mistaka, skipuleggjum og framkvæmum endurskoðunaraðgerðir til að bregðast við þeirri hættu og öflum endurskoðunargagna sem eru nægjanleg og viðeigandi til að byggja álit okkar á. Hættan á að uppgötva ekki verulega skekkju vegna sviksemi er meiri en að uppgötva ekki skekkju vegna mistaka, þar sem sviksemi getur falið í sér samsæri, fölsun, að einhverju sé viljandi sleppt, villandi framsetningu eða að farið sé framhjá innra eftirliti.
- Öflum við skilnings á innra eftirliti, sem varðar endurskoðunina, til að skipuleggja viðeigandi endurskoðunaraðgerðir, en ekki til að veita álit á virkni innra eftirlits deildarinnar.
- Metum við hvort reikningssskilaaðferðir og reikningshaldslegt mat stjórnenda og tengdar skýringar séu viðeigandi.

Áritun óháðs endurskoðanda, frh.:

- Ályktum við um hvort notkun stjórnar og framkvæmdastjóra á forsendu reikningsskilanna um rekstrarhæfi sé viðeigandi og metum, á grundvelli endurskoðunarinnar, hvort aðstæður séu til staðar sem valdið gætu verulegum vafa um rekstrarhæfi félagsins. Ef við teljum að verulegur vafi leiki á rekstrarhæfi ber okkur, í áritun okkar, að vekja sérstaka athygli á viðeigandi skýringum ársreikningsins eða, ef slíkar skýringar eru ófullnægjandi, að víkja frá fyrirvaralausri áritun. Niðurstaða okkar byggir á endurskoðunargögnum sem aflað er fram að dagsetningu áritunar okkar. Samt sem áður geta atburðir eða aðstæður í framtíðinni gert deildina órekstrarhæfa.
- Metum við framsetningu, uppbyggingu og innihald ársreikningsins í heild, að meðtöldum skýringum, og hvort ársreikningurinn gefi glögga mynd af undirliggjandi viðskiptum og atburðum.


Við upplýsum stjórn meðal annars um áætlað umfang og tímasetningar endurskoðunarinnar og veruleg atriði sem upp kunna að koma í endurskoðun okkar, þar á meðal verulega annmarka á innra eftirliti.

Staðfesting vegna annarra ákvæða laga

Í samræmi við ákvæði 2. mgr. 104 gr. laga nr. 3/2006 um ársreikninga staðfestum við samkvæmt okkar bestu vitund að í skýrslu stjórnar sem fylgir þessum ársreikningi eru veittar þær upplýsingar sem þar ber að veita í samræmi við lög um ársreikninga og koma ekki fram í skýringum.

Reykjavík, 20. febrúar 2020.

KPMG ehf.



Rekstrarreikningur ársins 2019

	Skýr.	2019	2018
Rekstrartekjur			
Miðasala		12.531.980	16.634.173
Styrkir og auglýsingar		178.892.593	154.269.449
Útsendingarréttur		8.400.000	11.887.083
Aðrar rekstrartekjur		130.710.684	178.001.161
		330.535.257	360.791.866
Rekstrargjöld			
Vörunotkun		20.510.137	22.596.803
Laun og launatengd gjöld	4	234.070.750	188.023.645
Rekstur mannvirkja		1.308.098	1.967.577
Skrifstofu og stjórnunarkostnaður		398.712	2.802.515
Annar rekstrarkostnaður		70.712.626	70.455.300
Afskriftir	5	2.505.113	2.973.197
		329.505.436	288.819.037
Rekstrarhagnaður fyrir söluhagnað leikmanna		1.029.821	71.972.829
Söluhagnaður leikmanna			
Hagnaður af sölu leikmanna		14.916.333	12.700.000
		14.916.333	12.700.000
Vaxtatekjur (-gjöld)		2.501	(2.711)
Hagnaður ársins	6	15.948.655	84.670.118

Efnahagsreikningur 31. desember 2019

	Skýr.	2019	2018
Fastafjármunir			
Verðgildi leikmanna	5	17.351.554	13.750.334
Veltufjármunir			
Viðskiptakröfur og aðrar skammtímakröfur		0	2.688.000
Krafa á aðalstjórn.....	7	102.259.774	84.879.313
Veltufjármunir samtals		102.259.774	87.567.313
Eignir samtals		<u>119.611.328</u>	<u>101.317.647</u>
Eigið fé			
Endurmat leikmanna.....		7.900.000	7.800.000
Annað eigið fé.....		107.782.138	91.833.483
Eigið fé samtals	6	115.682.138	99.633.483
Skammtímaskuldir			
Aðrar skammtímaskuldir		3.929.190	1.684.164
Skammtímaskuldir samtals		3.929.190	1.684.164
Eigið fé og kuldir samtals		<u>119.611.328</u>	<u>101.317.647</u>

Sjóðstreymisýfirlit árið 2019

	Skýr.	2019	2018
Rekstrarhreyfingar			
Hagnaður fyrir fjármagnsliði og söluhagnað	14	1.029.821	71.972.829
Rekstrarliðir sem hafa ekki áhrif á fjárstreymi:			
Afskriftir leikmanna	13	2.505.113	2.973.197
Vaxtatekjur (-gjöld)		2.501	(2.711)
Breytingar á rekstrartengdum eignum og skuldum:			
Skammtímafröfur, lækkun (hækkun)		2.688.000	(2.688.000)
Skammtímaskuldir, lækkun (lækkun)		2.245.026	(6.234.895)
Handbært fé frá rekstri án vaxta og söluhagnaðar		<u>8.470.461</u>	<u>66.020.420</u>
Fjárfestingarhreyfingar			
Keyptir leikmenn		(12.840.000)	(3.750.000)
Seldir leikmenn		21.750.000	13.200.000
Fjárfestingarhreyfingar		<u>8.910.000</u>	<u>9.450.000</u>
Fjármögnunarhreyfingar			
Krafa á aðalstjórn, breyting		(17.380.461)	(75.470.420)
Fjármögnunarhreyfingar		<u>(17.380.461)</u>	<u>(75.470.420)</u>
Handbært fé í árslok		<u>0</u>	<u>0</u>

Skýringar

1. Reikningsskilaaðferðir Grundvöllur reikningsskilanna

Ársreikningur Knattspyrnudeildar Vals er gerður í samræmi við lög um ársreikninga og reglugerð um framsetningu og innihald ársreikninga og samstæðureikninga. Ársreikningurinn er gerður í íslenskum krónum. Hann byggir á kostnaðarverðsreikningsskilum og er í meginatriðum gerður eftir sömu reikningsskilaaðferðum og árið áður.

Ársreikningurinn byggir á bókhaldi Knattspyrnufélagsins Vals en knattspyrnudeildin er rekin samhliða öðrum deildum félagsins undir Knattspyrnufélaginu Val og hefur því ekki aðgreindan efnahagsreikning. Ársreikningurinn byggir því fyrst og fremst á deildauppgjöri félagsins en haldið er sérstaklega utan um rekstur knattspyrnudeildarinnar.

2. Innlausn tekna

Tekjur af sölu á vörum eru færðar í rekstrarreikning þegar eignarhald flyst til kaupanda. Tekjur af veittri þjónustu eru færðar í rekstrarreikning í hlutfalli við stöðu verks á uppgjörsdegi. Staða verks er metin með hliðsjón af vinnu sem lokið er. Tekjur eru ekki færðar ef veruleg óvissa er um innheimtu þeirra, tengdan kostnað eða að vörinni verði mögulega skilað.

3. Óefnislegar eignir

Félagið eignfærðir leikmannasamninga sína í samræmi við reglur og staðla KSÍ. Yfirverð leikmannasamninga er afskrifað árlega á samningstíma og er sú fjárhæð færð í rekstrarreikning. Endurmat samninganna er fært á endurmatsreikning meðal eigin fjár sbr. skýringu 6.

4. Laun og launatengd gjöld

Laun og launatengd gjöld greinast þannig	2019	2018
Laun	77.318.758	39.724.093
Launatengd gjöld	15.097.442	7.807.525
Bifreiðastyrkur	3.180.113	3.094.000
Dagpeningar	10.186.022	7.193.580
Verktakagreiðslur	128.288.415	130.204.447
Laun og launatengd gjöld samtals	<u>234.070.750</u>	<u>188.023.645</u>

5. Óefnislegar eignir

Leikmannasamningar greinast þannig:

Bókfært verð leikmanna í ársbyrjun	13.750.334	12.373.531
Eignfærðir leikmenn á árinu	12.840.000	3.750.000
Seldir og aflagðir leikmenn	(6.833.667)	(500.000)
Afskrifað á árinu	(2.505.113)	(2.973.197)
Matsbreytingar	100.000	1.100.000
Bókfært verð leikmanna í árslok	<u>17.351.554</u>	<u>13.750.334</u>

Hækkun á mati leikmanna á árinu 2019 samkvæmt staðli KSÍ nemur 0,1 millj. kr. og er sú fjárhæð færð á endurmatsreikning meðal eigin fjár.

Skýringar frh:

6. Eigið fé

Yfirlit um eiginfjárreikninga:

	Endurmat	Annað eigið fé	Samtals eigið fé
Eigið fé 1.1.2019	7.800.000	91.833.483	99.633.483
Matsbreyting leikmanna	100.000		100.000
Hagnaður ársins		15.948.655	15.948.655
Eigið fé 31.12.2019	7.900.000	107.782.138	115.682.138

7. Tengdir aðilar

Tengdir aðilar eru þeir aðilar sem hafa umtalsverð áhrif á félagið, beint eða óbeint, þ.m.t. aðalstjórn, móðurfélag, eigendur og fjölskyldur þeirra, stórir fjárfestar, lykilstarfsmenn og fjölskyldur sem og aðilar sem er stjórnað af eða eru verulega háðir félaginu, s.s. hlutdeildarfélag og samrekstrarfélög. Viðskipti við tengda aðila hafa verið gerð á sambærilegum grundvelli og viðskipti við ótengda aðila.

Knattspyrnudeild Vals er rekin sem deild í Knattspyrnufélaginu Val og hefur ekki sérgreindan efnahagsreikning. Fjármunir deildarinnar umfram sérgreindar kröfur og að frádragnum sérgreindum skuldum eru færðir sem krafa á aðalstjórn í efnahagsreikningi deildarinnar. Krafa á aðalstjórn nam 100,0 millj. kr. í árslok 2019 samanborið við 84,9 millj. kr. í árslok 2018.